

AQUAPHONICS
LIFEPROOF SPEAKERFOR SALE!
afl **199**

Store Your Valuables!

**DIAL**
FRIDAY
SALEONE DAY ONLY
NOVEMBER 23FOR SALE!
afl **179**NINTENDO NES
CLASSIC GAME SYSTEMIncludes 20 Classic
Games + 1 New Game!

*While supplies last. Limit one per customer. See store for details.

NO INTERESTCumana 74
582-RENT

shopdialrto.com

DIAL

Rent-to-Own

"E lo a nifica paga mitad salario pa December awor y esey no por...!"

A mustra CAft cu no por pretende pa gobierno baha gasto di personal cu 14.2 miyon extra

ORANJESTAD (AAN)

— Siguiendo cu e tema di CAft y su conseho pa di aki pa December, gobierno baha gastonan di personal cu 14.2 miyon florin extra, Minister di Finanzas y Economia mr. Xiomara Ruiz-Maduro a menciona, den conferencia di prensa, cu gobierno a splica CAft cu cada aña, structuralmente, Aruba ta cumpli cu baha gasto cu 3%.

E mandatario a reitera cu gobierno a baha caba 6 miyon florin, pues doble di loke a hinc den e Memorandum economico, y el a reitera cu ta irrealistico pa CAft bin pretende cu gobierno tin cu baha gasto di personal cu 14.2 miyon extra prome cu fin di December.

"Laga nos ta sincero. Nos ta haciendo un trabao akinan di cual nos a bisa sr. Knops, Secretario di Estado, for di prome dia cu nos a papia cune, cu Aruba mester tempo y espacio pa e por traha riba su problemanan. Aruba conoce un cambio di gobierno y e gobierno aki a bin cu intencion pa drecha e asuntonan necesario pa e pais aki por tin un finanzas publico sostenible y manejable, pero nos tur dos sa cu bo no por haci magia.



Akinan ta cosnan cu a crecrom pa hopi tempo hasta bao di wowo di CAft nan a bay mas crom ande y aworaki mester brinda un gobierno cu ta musta bo seriedad den atende e asuntonan aki, tambe espacio pa asina aki nos por haci nos trabao", enfaticamente e dignatario a expresa.

E mandatario a reitera cu CAft a bin cu un tono cu di basta tempo, ora cu nan a wak bao di nan wowo con e pais aki tabata bayendo den un debe nunca antes bisto cu deficit, nan a keda hopi "poeslief" pero awor cu tin un gobierno cu ta atende e asunto aki diligentemente, e ta haya cambio drastico den tono y pesey gobierno tey atrobe pa atende cu e asunto aki, pasobra aworaki ta nan ta mancha nos pais.

E mandatario a subraya si, cu claramente den bon concordancia cu Hulanda, pero nan ta den un negociacion y e negociacion aki tin cu sali na locual ta puntonan realistico, cu por wordo atendi. "Pasobra nos no por kere cu pa largo tempo bo a laga cos bay for man anto aworaki bo kier bin choca hende. Esaki no ta traha asina aki", e mandatario a expresa. E dignatario a sigui splica cu pa loke ta placa extra CAft ta pretende cu tur locual gobierno a haya extra tin cu bay pa baha gasto. "Esey ta den e situacion ora no tin deficit. Pero na e momentonan aki pa 2018 por mira e deficit di 147 miyon florin. Pues, locual cu bini tin cu tapa e buraco aki. Ora cu nos tin un surplus e ora ey nos ta papia di e parti aki

cu entrada extra ta bay pa debe. Pakico? Pasobra esaki tambe ta forma parti di e combersacion cu nos tin cu Hulanda. Un negociacion cu ta mas halto cu locual aworaki nos tin cu CAft", e mandatario a indica. Minister di Finanzas a splica den cuadro di e 14.2 miyon cu CAft kier ainda pa gobierno bay baha pa fin di aña, esey lo nifica concretamente, cu gobierno lo mester paga mitad salario na December y esaki no por! El reitera cu gobierno a splica CAft cu esaki no ta realistico y cu nan mester por

keda den e realidad vooral ora nan a laga cosnan pasa bao di nan wowo (refiriendo na e gobierno anterior) y no awor cu tin un gobierno ta traha na un manera diligente y serio, y cu a presenta un presupuesto real y keda den e margen incluso e cambionan, y cu ta cumpli cu e deficit indica y cu Parlamento a duna espacio pa traha riba dje. Pues, no por pretende pa bin cu e tipo di consehonan aki. "Bo mes a faya y aworaki bo kier bin bravo bravo riba esnan cu si ta atende cu e asunto aki", e mandatario a subraya.